

四庫全書

集部

欽定四庫全書

集部

聖祖仁皇帝御製文第三集卷三十一至三十二

臣永瑤恭校

侍讀臣孫球覆勘

覆校官中書臣龔禔身

校對官主簿臣郭作臧

謄錄舉人臣王 恭

欽定四庫全書

聖祖仁皇帝御製文第三集卷三十一目錄

雜著

古文評論 計八十四條

欽定四庫全書

聖祖仁皇帝御製文第三集卷三十一

雜著

古文評論

和帝

罷收鹽鐵詔

昭帝時舉四方賢良即言願罷鹽鐵官迨此時邊方寧謐故毅然去之

求曹相國後詔

念舊酬勲繼絕舉廢詞意溫藹詔旨中極有風致者

選舉詔

漢選舉責成二千石刺史故得人為盛

舉賢良詔

和帝求賢諸詔綽有西漢風致

封班超詔

漢立功西域每求智勇之士置為都尉當時最稱得人

亦由獎勵激賞之典重也

蝗災罪已詔

遇災引咎深自謙抑得詔令之體

擇良吏詔

周宣以雲漢為憂詩人美之斯詔大意略同

留諸王詔

詔語雖簡深得友愛之義

和熹鄧皇后

詔河南尹豹等

貴戚子弟迺國家肺腑股肱幼而不學長且面牆恃貴而驕恃富而侈職此故也此詔辭可謂深中情事矣

殤帝

勅司隸校尉部刺史

痛言俗吏之弊最為嚴切

安帝

旱蝗詔

民生疾苦豈可壅於上聞宜詔詞專及之

霖雨傷稼詔

國家德意惟在有司實意奉行始無屯膏之弊

申制度科品詔

綺縠珠璣之侈濫及厮走與賈誼所論略同正京師以示四遠尤得風化之要

順帝

勅桂陽太守文鰲

封還大珠責以求媚非徒不貴異物亦以風勵廉節

桓帝

災異詔

酒醪足以糜穀西漢詔令每引以為戒亦貴粟之一端也

竇融

責讓隗囂書

竇融早識成敗可謂智士始終一節不愧貞臣責囂以

大義惜其不能聽從耳

馬援

與楊廣書

委曲婉至動以天性之恩曉以君臣之義其激昂古宕處則龍門筆法也

朱勃

追訟馬援書

馬伏波有佐命之功而未有顯過此書代為辨晰歸於

賞功宥過意良厚矣

班彪

請太子諸王官屬疏

論豫教之道在於審所與居戒慎所習要言不煩

乞優答北匈奴奏

示以坦白得駕馭外藩之體

王命論

應天順人為一篇大指反覆徵引以暢其說文之極有

光燄者

桓譚

上時政疏

定國是重本業所謂政貴體要

復上時政疏

光武時頗尚識緯故桓譚極言之文亦剴直明切

杜林

論增科禁疏

寬禁網捐苛細正以扶進廉潔獎成節概義實相因

張純

正昭穆疏

光武中興漢業以元帝為大宗別建四親廟蓋以嗣繼統緒為重亦可以息後世紛紛之論矣

鄭興

日食疏

引春秋洪範以立言皆有根據

陳元

請立左氏疏

左氏傳博雅奇麗叙事擅古今之長公穀文亦多雋逸
故三傳并傳學宮

朱浮

日食疏

古者吏道以久任為善有治績顯效則增秩賜金璽書
褒美時守令更代太煩故朱浮因日食言之

與彭寵書

諭以名義動以利害雄快勁直聳然可聽

第五倫

論竇氏疏

勲戚以謙慎為美滿盈為戒第五倫所言不止國家防微之善道亦戚畹保家之明鑒也

勸成風德疏

書稱明作有功惇大成裕惇大者政之體也明作者政

之用也此篇論治以惇大為本文亦簡切

韋彪

置官選職疏

登用大臣以公忠識量為重不在應對小慧簿書末節
篇中獨暢此義

孔僖

上章帝自訟書

孔僖所陳願開張聽聞即無逸皇自敬德之意

欽定四庫全書



聖祖仁皇帝御製文集第三集

卷三十一

七

何敞

諫用竇氏疏

指陳貴戚直言不諱非欲摧折之正欲保全之何敞於漢可謂忠矣

徐防

五經章句疏

漢時五經諸家各設博士故箋疏之說有互相逕庭者至宋諸儒而統紀一矣宋儒羽翼經傳之功固自不朽

魯恭

諫盛夏斷獄疏

順時為治欽若之實況刑辟尤所當慎乎魯恭之言實
與月令相發明

魯丕

舉賢良方正對策

簡直修潔較西漢諸儒之文別為一格

論經術疏

欽定四庫全書

聖祖仁皇帝御製文第三集

卷三十一

八

古人於經學守其師說如規矩權衡所以尊經也

班固

文帝紀贊

贊纔二百餘字而文帝恭儉寬仁治功約略已盡固洵良史哉

武帝紀贊

歷叙武帝尊經好古制度禮文之事彬彬可觀矣結處義正辭勁可謂高文老筆

昭帝紀贊

論事措意極其整暇有畚容大雅之致

成帝紀贊

敘述所聞用筆輕雋在論贊中又是一格

諸侯王表序

援引周秦論列漢世或詳或略極錯綜變化之致纚纚
千言讀之惟恐其盡

高惠高后文帝功臣表序

於論議中引用前人撰著以成文史漢中多有此體

外戚恩澤侯表序

建官惟賢位事惟能矧通侯之爵乎此序逐段用意特見文心

公孫弘卜式兒寬傳贊

筆力矯健論次凡數十人絕不覺其煩重

司馬遷傳贊

立論雖駁史遷文之抑揚盡致猶大類其筆法

公孫賀劉屈氂車千秋王訢楊敞蔡義陳萬年鄭

弘等傳贊

鋪叙處如閒雲卷舒自成變態

循吏傳序

吏必本經術以廣教化始能嘉惠元元登風俗於淳古
此循吏之所以可貴也

貨殖傳序

洞見本原語語鄭重有關世道昌黎原道大意多出於

此

游俠傳序

立言極其正大覺史遷之豔稱駁而不純矣

西域傳贊

每段論叙中幹旋一二語遂覺神采飛動

崔駰

誠實憲書

忠告之意敦迫於中故見之書牘婉惻而周詳憲不知

戒愚孰甚焉

樊準

勸興儒學疏

儒學之興莫甚於東漢至安帝時文教寢衰流風媮薄
矣此可謂匡時之論

陳忠

論喪服疏

典質不飾嚴慄之色溢於簡冊

容諫疏

叙述古人雖爾繁稱遠引然用意深至彌覺款曲

言中使疏

古穆之氣樸直之辭

翟醕

諫外戚疏

明而切簡而健自是灼見本原之論

虞詡

請復三郡疏

黜然有古光持論亦復精警

左雄

上順帝陳吏事疏

守長於民最親賢否關閭閻休戚疏中徵引極為典切

郎顗

上災異封事

造語精核故不厭其繁縟

劉梁

辨和同論

博考往籍斷以正義和同之介較若白黑矣

李固

災異策對

意愈婉而氣愈直謹論碩辭可刊金石

陳事疏

老成卓偉之言自爾伉正

援日南議

萬里赴援既言其失又能策畫方略條論井然謀國之忠何其懇到也

皇甫規

舉賢良方正對策

披瀝直陳於對策中尤為奇特

陳蕃

諫封賞內寵疏

勁爽峭利之中自有沉摯深厚之氣

劉瑜

陳事書

條析當時之弊極盡情致文亦波折古宕

劉陶

鑄錢議

因鑄冶而及農殖真知本之論

張敞

上王暢奏記

用刑不如行恩求姦未若禮賢洵為精義名言

傅燮

請誅中官疏

慷慨上書情最真至

蔡邕

上靈帝封事

湛深經術曉達時務封事之佳者

幽冀刺史久闕疏

言議勁正文氣紆徐

諫伐鮮卑議

引据多於論斷然具有精理碩畫

司空文烈侯楊公碑

言能舉其大者故筆力超渾

郭有道碑文

藻腴流利已開晉魏六朝之風然西京矩矱猶存也

文範先生陳仲弓銘

華而不縟故淵穆之氣浩乎無涯

鄭康成

詩譜序

論詩之正變獨為明審

孔融

肉刑議

義有根據語無泛設

告高密縣教

盛事佳文故自可傳

應劭

上漢儀疏

仿仲舒春秋決獄之義剛定律令以為漢儀是有關係文字

陳琳

為袁紹檄豫州

筆嚴霜雪氣激風霆不僅以辭采見長

為袁紹與公孫瓚書

立格修整遣言古茂當從呂相絕秦書得來

臧洪

報陳琳書

深情溢於簡牘故音節琅然

聖祖仁皇帝御製文第三集卷三十一

欽定四庫全書

聖祖仁皇帝御製文第三集卷三十二目錄

雜著

古文評論 計八十二條

欽定四庫全書

聖祖仁皇帝御製文第三集卷三十二

雜著

古文評論

魏

文帝

禁母后干政詔

垂戒深切足以立萬世之防

鵜鵠集靈芝池詔

古雅峭潔然似是有意為之者畢竟與西京詔令有別

輕刑詔

能得欽恤之意

明帝

正嗣統詔

正統緒以重大宗可以息後世紛紛之論

論封禪詔

退浮華崇道本深得治體之言

郎吏分受四經三禮詔

經學吏治兩有裨益

陳王植

求存問親戚疏

情辭懇惻之中時見鋒穎天才秀拔八斗非虛

陳審舉疏

視自試一表語加激切然不免於懟矣方之於詩其小

弁之怨乎

魯孔子廟之碑

鴻文足與鉅典相配

董昭

陳末流之弊疏

指切弊俗有關風教

王朗

節省奏

辭甚典質而功效瞭然籌兵食一段尤見遠略

劉廙

論治道表

論非剗獲自確不可易

衛覬

諫明帝疏

謬正之氣爽朗之筆

楊阜

諫明帝營作宮室䟽

典據之言而出之以樸慤

高堂隆

諫興役䟽

據理切事反復詳暢

蔣濟

中書專任䟽

情事曲盡使人動聽

杜恕

諫考課疏

信賞必罰則考課不為具文恕言得之

諫用廉昭疏

亢激之言難於詳悉此獨得之

程曉

白罷校事疏

雅詞健筆絕無冗蔓

夏侯太初

官才議

其意欲使中正臺閣各不相涉內外叅校以得其真亦
通達時務之言

除重官議

省官省事甚扼治要

改服制議

國奢示儉甚得損益之宜

蜀漢

昭烈帝

為漢中王上言獻帝

事本權宜而辭義明正不必以矯制為嫌

諸葛亮

出師表

將欲外攘先修內治大臣之誼純臣之心

後出師表

篇首云坐而待亡孰與伐之乃武侯之本計也篇末云鞠躬盡瘁乃武侯之本心也光明磊落真可揭諸天下萬世

自表後主

只此數言可以質天地而泣鬼神豈不堪與伊周相伯仲

正議

大義聳然文辭亦極典美使華歆輩讀之能無赧汗

與羣下教

意在集思廣益以勤攻已闕大臣心事如此

與李豐教

讀此足見武侯之用心公而恕

吳

大帝

責諸葛瑾等詔

懇惻之辭可謂深悉羣情者

讓孫皎書

權文筆古雅乃爾其所見者亦卓然不羣

景帝

答張布詔

英明語能令寵臣心慙

又答張布

語意甚為嚴峻然卒之恐布疑懼遂廢講業可惜也

駱統

理張溫表

權僻處江隅身當強敵正宜布公推誠納讜言而徠雋
乂忌溫稱美蜀政氣量可知矣

諸葛恪

與丞相陸遜書

論甚平恕國家用人之方士類交友之道均宜斟酌斯
言

上孫奮牋

直截明暢文情亦自款曲

晉

武帝

定祀典詔

嚴整中具有精深見道之言

答司馬孚等詔

晉武篤於天性故所言惋怛

開言路詔

深刻非事理之平斯詔真得治體

答傅玄詔

曠然大公之論出以婉到覺情詞相發藹乎近人

下郡國巡行詔

於時巡之外遣節使周行詔令肫摯文實無備可謂有
志於民者

籍田詔

溫潤古雅有漢代遺風

聽鄭冲致仕詔

優禮老臣其意甚殷文亦䟽暢可誦

元帝

遺賀循書

循行為俗表學稱儒宗宜元帝禮之

周顓辭職詔

其致雋永語不在多

明帝

定東宮儀制詔

雅贍春容綽有體裁

康帝

答有司請改服御膳詔

矜貴典藻上逼左氏

穆帝

下王洽詔

追述舊好穆帝待臣下之誼甚厚洽退然克讓尚有古

風

簡文帝

百官詔

簡文雅量清才斯詔亦備極斐疊

答殷浩書

謙冲婉約殷然有求賢之思

羊祜

讓開府表

辭非次之榮廣進賢之義自是大臣美德

上平吳疏

王猛之不勸伐晉羊祜之急請平吳皆洞灼時勢事異而識同也

杜預

考課略

課績為用人之要即優劣以為黜陟自是簡核一法

春秋左氏傳序

欽定四庫全書

聖祖仁皇帝御製文第三集

卷三十二

十

左氏之學得預而愈顯表章之功大矣

荀勗

省吏議

省事不如清心為政至論然清心非去私存理有涵養之功者不能也

庾峻

論宜敦禮讓表

晉時凌競成風斯表可謂特挽頽波

劉寔

崇讓論

爭則必損人自見讓則必屈已求賢委曲敷論切中情弊

劉頌

刑法疏

法者天下之公若牽文就義則吏緣為奸疏中用意深微堪與尚德緩刑書並傳

欽定四庫全書



聖祖仁皇帝御製文第三集

卷三十二

十一

劉毅

陳九品八損疏

劉毅秉公剛直在武帝諸臣中最有風節茲疏可謂救

時之論

傅咸

陳世俗奢侈書

移易奢風在有位者之節儉探本之論也

上論劾王戎事

歷辨侵官之謬引據詳明而勁挺之氣屹乎其不可奪

李密

陳情表

悱惻出於至性自是不朽之文

陳壽

定諸葛亮故事表

壽因父被髡作亮傳短其將略時論少之觀此表前後
尚極稱美可見亮之賢雖怨者不能掩也

虞溥

獎訓諸生誥

為學之道淡而不厭久而彌新勉之以立志要之以積漸所以策諸生者至矣

張俊

為吳令謝詢求為諸孫置守冢人表

存恤江東園寢道歸忠厚盛德之事也文亦典藻可則

閻績

陳保傅太孫疏

忠款可動鬼神與黃臺瓜辭同其警惻

陸機

辨亡論上

晉書載機少有異才文章冠世今觀其遺篇奇偉雄麗
張華而下罕其儔匹

辨亡論下

二篇機局全學過秦論但加之以詞藻耳此漢晉風氣

之分

五等論

封建之事今古不同未可執一而論也文特弘博妍贍
英銳高逸洵是詞場賁育

劉琨

勸進表

琨素著雄豪之名勸進一表辭意慷慨志氣縱橫猶想
見其翼戴晉室之心

干寶

晉紀總論

推晉之所以興亡幾無遺義然寶晉臣也於尊親之際其尚有隱乎

庾亮

讓中書監表

亮以元舅懿親負時重望而勤修退讓之節其文亦真摯愷切足挽頽風

荀崧

請置博士疏

公穀義例間合聖人本旨而儀禮為經何可廢也

范甯

罪王何論

晉世清談原於莊老而實始於王何甯深切言之斯誠

快論

蔡謨

止庾亮北伐議

權衡強弱持重老成深於謀國視殷浩何啻霄壤

王羲之

止殷浩再舉北伐書

羲之在東晉諸名士中具有經濟之才非徒以文雅見長

與會稽王牋

國家安危所關愷切陳導可謂忠告

遺謝安書

羲之觴詠風流雅興逸致乃能留心實政不祖尚清虛
真中流砥柱矣

孫綽

諫移都洛陽疏

揣摩時勢條悉利害瑋辭快辯實足折伏桓溫之虛憍

徐邈

與范甯書

邈儒雅博瞻持躬謹密不獨以文采為時所稱也篇中多是名言

戴逵

放達非道論

能以禮度自處深以放達為非不可徒以隱淪目之

韓延之

報宋公書

臨難不為強勢所誘真賢叅軍矣裕當為之汗赭

聖祖仁皇帝御製文第三集卷三十三

欽定四庫全書

聖祖仁皇帝御製文第三集卷三十三目錄

雜著

古文評論

計八十條

欽定四庫全書

聖祖仁皇帝御製文第三集卷三十三

雜著

古文評論

宋

武帝

與臧燾書

武帝以振興人才為心歸重於經師勸誘可謂知本荆

欽定四庫全書

聖祖仁皇帝御製文第三集

卷三十三

玉幽蘭之喻清越可誦

文帝

與江夏王義恭書

誠弟之文責以親賢下士改過節用詳盡婉曲復以審慎聽斷為訓亦猶康誥所云明德慎罰之義也

又誠

親切相喻簡而不浮

賜南郡王義宣中詔

家庭之文朴而雅彌見古致

孝武帝

審貢賦詔

審辨方物非其土者不貢非其時者不貢自是仁言文
復簡峭有色

始安王休仁

皇太子車服議

義取謙約辭近古核庶資參考

欽定四庫全書



聖祖仁皇帝御製文第三集

卷三十三

傅亮

為宋公至洛陽謁五陵表

寫洛陽舊宮景物有詩人禾黍之慨

何尚之

陳庾炳之得失

叙事磊落有法見古人奏章簡實處

出庾炳之為丹陽尹答

覆論勁直嫉惡之義甚嚴

范曄

後漢書皇后紀序

引周禮兩漢間事又歷陳監戒之言辭婉而義深有國
家者當與尚書牝雞無晨之句參看庶不至椒房近戚
之累歟

吳蓋陳臧列傳論

文儷而嚴意以偃兵為重

中興二十八將論

光武以封爵待功臣而不責以吏事故保全者多文獨
扼此發議

孔融傳論

文有嚴毅之氣肅穆之容

周黃徐姜申屠列傳序

引數事以成文亦是一格

黨錮列傳序論

叙黨人始末詳盡從四豪任俠立論其源起於氣矜其

弊成於羅織可謂論世之識

宦者列傳序

東漢之末宦寺流弊已極斯文能痛切言之

逸民傳序論

叙述潔已之士文亦簡裕

齊

高帝

賜張融衣手詔

數語意致深雋

答劉善明

古調清音

又答

譙冲和易見延佇之忱

答蕭景先詔

命意弘長詞亦近雅

武帝

禁婚葬奢靡詔

切中風俗之弊

勅廬陵王子卿

謹侈靡是訓宗藩第一義故言之惓惓

勅晉安王子懋

以世務為根本片言居要

豫章王嶷

上世祖啓

大指以敦大易繁瑣自是篤論

竟陵王子良

諫遣臺使疏

叙臺使擅威福擾吏民之弊曲盡情狀

陳時政啓

六朝文尚駢麗此獨簡潔峭勁有裨民隱

孔顗

鑄錢均貨議

園府泉法始於周禮而論列體制於此為詳

顧憲之

牛埭稅權議

析理既明言事亦爽

孔稚圭

上撰定律章表

大意與路溫舒尚德緩刑疏相近

梁

武帝

詳立條格令

意在去奢返樸興於厥躬史稱武帝豆羹糲食克儉於身於此可見

禁祝史祈福詔

儆古人責躬之義語亦簡當

檢括封事詔

念切民事而出以古腴之辭

勅外司明加聽採隨事舉奏詔

洞盡物情言之懇懇

與謝朓勅

求賢若渴如讀白駒空谷之詩

與何點詔

敦故舊重隱逸敘述疇昔情緒深婉儼然光武之待子陵

徵何胤手詔

何點何胤史謂其居貞物表縱心塵外故武帝優詔敦
勸之如此

又勅

勤懇之情形於簡牘

又勅

遣弟子就東山受學武帝禮賢可謂篤矣

輔政上銓序表

六朝九品中正法類登世族而抑寒賤故言之獨切

簡文帝

請賀琛奉述毛詩義表

敦崇詩學敷言雅令

答徐摛

詞語輕雋有致

卽陵王綸

與湘東王繹書

史稱綸聰警有才學忠孝獨存觀此書信矣

沈約

宋書良吏傳序

論宋吏治得失却本奢儉以立說亦探源之識也

孔羊沈列傳論

以常平積穀為扶災利農之本有裨民瘼

恩倖傳論

言情事皆曲折盡意文亦華實相副

任昉

天監三年策秀才文三首

策問三事阜民化俗納言皆切會治理文亦瞻美而有
逸韻

為卞彬謝修卞忠貞墓啓

叙先世忠孝有斐篤之思

上蕭太傅固辭奪禮啓

文生於情不須賁飾自然雅健

蕭子顯

南齊書倖臣傳論

摹寫情況入徵前代多用宦寺典兵故言之尤切

陳

文帝

脩前代墓詔

瞻念忠烈加恩丘墓藹然仁厚之音

徐陵

奉使鄴都上梁元帝表

駢偶之文緯以經史故麗而有則

宣示諸求官人書

意在澄叙官方文亦簡而有韻

沈炯

請歸養表

詞婉而意迫詩曰將母來諗此亦庶幾風人之言

北魏

太武帝

辟召賢良詔

平粹之音不為覈急

頒制詔

森然尺度之文亦復機神流暢

文成帝

遣使巡行詔

遣使之辭如此詳括殆非具文

孝文帝

條禁州牧詔

意在禁防而辭多沖挹要當使牧守內愧草心不專以法令相迫也

決遣民獄詔

月令孟夏斷薄刑決小罪出輕繫即此詔之意

復靈丘租調詔

語樸而摯

免租算詔

有勤恤之實心故能有丐貸之實政非汎然仁心仁聞也

求直言詔

刊煩華存簡實兩言已得體要

文明太后喪服詔

其言惻怛可以興起

答有司卜祥日詔

卜祥而筮永吉似非禮意此能折衷至當

孟月廟祀詔

斟酌古今可垂禮典文亦有淵穆之氣

徵王肅詔

情文嫻雅濃至可感可誦

與彭城王勰書

教先宗族王化之原彭城親賢無慚德舉

任城王澄

諫高祖幸豫州

有敦樸之質無枝蔓之辭

請修繕國學奏

言裨教典情自纏綿

北海王詳

定律令奏

課吏自當以公清為重此奏得之

元暉

論御史巡行疏

遣使巡行公私煩擾誠不若委任牧守慎選而嚴課之
之為得也

張普惠

與任城王澄奏記

稱古昔引經義嚴毅之論典確之文

韓麒麟

陳時務表

此表可以厚生可以維俗古今通義也

韓顯宗

上時事書

切於事理言雖多而不覺其長

孫惠蔚

請收校典籍表

言似緩而實切未可以疎闊目之

崔光

答宣武帝雞異表

明確無浮響故當使人傾耳

災異表

質實良具至理不以字句見長

甄琛

請弛鹽禁表

弛禁固為善政第須有實心實惠及民始為無弊耳

邢巒


再上伐梁表

洞晰利害如聚米如借箸似趙營平屯邊諸疏

高謙之

請復縣令而陳舊制疏

為畿縣令不可少此風裁足使權貴斂手避之



聖祖仁皇帝御製文第三集卷三十三

欽定四庫全書

集部

聖祖仁皇帝御製文第三集卷三十四至六

臣永瑤恭校

侍讀臣孫球覆勘

覆校官中書臣龔禔身

校對官主簿臣郭祚熾

謄錄監生臣楊其梓

欽定四庫全書

聖祖仁皇帝御製文第三集卷三十四目錄

雜著

古文評論

計七十一條

欽定四庫全書

聖祖仁皇帝御製文第三集卷三十四

雜著

古文評論

北齊

邢邵

請建明堂太學疏

語華意質非僅鞏悅之工

杜弼

為東魏移梁朝檄

度策梁事如符契悉合而文筆雅健

北周

武帝

停徵發詔

息事寧人恤民之善經治理之要道仁音琅琅可以感

人

毀露寢諸殿詔

文既莊雅氣亦淵茂不事雕琢而渾噩之致見乎尺幅
中此後代詔令之最近於文景者

報于謹詔

詞意篤摯隆禮勲舊猶有盛世之風

于謹為三老詔

敦行古典得憲老乞言之遺意

蘇綽

為周太祖作六條詔書

治平之理此六條足以盡之要當以力行為亟亟耳

第二條

此以王道立說有古儒者氣象

第三條

重農務本乃王政之大端措置處亦井然明悉

第四條

天之生才自足供一代之用豈有借才於異代此自是千古名言

第五條

天地之大德曰生重物之生所以奉若天道故矜慎刑獄是治天下第一義也

第六條

此言征稅亦救時之務以上六條當時令百官誦習牧守令長非通此者不得居官蓋重其言而用之如

此

庾信

賀平鄴都表

警麗中自有典則

功臣不死王事請門龍封表

以典挾之辭抒懇惻之悃無嫌其為駢儷也

隋

文帝

辭封禪詔

謙沖非由矯飾無須辭費

正樂詔

聖王制作之精意此雖未能詳盡然其識議亦有可
擇

與元諧勅

語不多而有令音亦耀德不觀兵之意也

賜高麗王湯璽書

曉示遠人必如此朗暢始可悉其情事文亦質實

牛宏

請開獻書之路表

此表有功經籍不在王儉阮孝緒下也

李諤

論文體書

不獨文教有裨亦可使頽風歸厚

唐

高祖

修定科律詔

漢高入關除秦苛法唐祖受禪修隋律令一代創興以
刑法為重務其規模可概覩矣

太宗

金鏡

唐之太宗致治幾於三代之隆今覽金鏡所載其於處
已行政用人之道亦何其見之明而言之詳也此所以

追蹤往古歟

致仕朝叅在見任本品上詔

春容雅瞻淵淵金石之音

賜孝義高年粟帛詔

敘意屬辭婉切暢悉殊覺情文生動

誠厚葬及賜功臣陪塋地詔

深情內蘊麗藻外敷

褒李大亮書

溫純深潤詞不煩而意甚摯

帝範序

述天位之不易敘王業之艱難垂訓後昆特為深切

帝範後序

意既切至文復典正純雅

晉宣帝傳贊

選詞厚縟而大義相繩處殊自嚴正不磨

晉武帝傳贊

文瀾浩渺而反覆抑揚於當時情事最為穩切

睿宗

褒魏知古手制

清辭簡指悠然自遠

勞罪構璽書

條數獎源洵為探本之論而文彩爛然使人耳目一新

明皇帝

發宣撫使勅

典正之論而辭涉華腴則質文損益風會使然也

求賢良詔

意既纏綿而言皆雅令

誠勵風俗勅

清靜不擾和平不爭王道之成何以加此

焚珠玉錦繡勅

英茂鴻駿亦古人貴五穀而賤金玉之意

勅朝集使

拊循斯民惟牧守是寄一不稱職則兆人何賴焉教勅之辭故宜諄切如此

勅朝集使

辭義何等殷切是不欲僅奉行故事者明皇初政所以蔚然可觀

處分朝集使勅

吏治所賴以振飭者全在敷奏明試之時不如此深切鄭重安能致理故知臨軒勅遣非屬具文也

孝經正義序

說經之家徃徃鑿空騁異使聖人之道不明於天下此能深斥其流弊而文亦簡貴可傳

肅宗

讞獄詔

有惻怛之思故文情條暢

代宗

增修學宮詔

金革之餘加意文學不惟收拾人心自是立國本務

大赦詔

播告之文語意加詳而名理亦復斐亶

德宗

亢旱罪已詔

文辭瞻潤而有真意流貫其間命令之佳者

褒功臣詔

思老成之功烈而欲圖列其容儀亦所以勸後勵世也

君臣箴

有訓誡之誠有勸勉之義上下勤恤庶幾盛世遺風

西平王李晟東渭橋紀功碑

敘戡定之列奕奕精采文雖以偶麗見勝而西京遺軌猶存

贈太尉段秀實紀功碑

豎義正大播辭詳整可以植綱常勵風教

武宗

毀佛寺制

明斷之舉宏碩之論洵有裨於風化人心

傅奕

請除釋教疏

痛斥異端理明氣壯始能為此非過激也

徐賢妃

諫息兵罷役疏

謇諤之辭得於宮掖貞觀之治故爾流聲千載

房喬

諫伐高麗疏

文勢浩瀚靡有涯涘

魏徵

論治疏

反覆援引文勢自相貫注辭亦淹暢不拘

請罷工役疏

論古今奢儉非擷華攬藻之文

上十思疏

風格詳整中特多懇到之語

論十漸不克終疏

易戒履霜書言惟幾皆致謹於漸之義魏徵舉十漸以立說殆亦慎終於始之道也

求賢審官疏

開闢盡變列論臣品可謂曲中

張玄素

請罷修乾元殿疏

辭不煩蕪而義甚爽豁彌足使人繹思

李百藥

封建論

該洽精詳深明於損益之宜利害之故可謂閱辭碩謀
矣

馬周

論奉親享廟襲封樂工等疏

剴篤之辭出之以委蛇盖由其忠誠內結耳

岑文本

上太宗勤政疏

開引其端而所包至廣政之體要略盡於此

褚遂良

請復高昌疏

唐之郡縣高昌者國家服遠之略遂良請復高昌者臣子謀國之忠兩者正不妨並美耳

張蘊古

大寶箴

炳炳琅琅如觀禮樂之器

狄仁傑

請赦河北諸州疏

定亂之方惟崇尚寬大則能消人心之疑懼而反側自安斯謂洞晰機要

諫造大像疏

摹寫勞費曲盡俗情佛骨表意多本此

請罷百姓戍四鎮疏

請罷四鎮遠戍以息百姓命意與賈捐之罷珠崖對同而文之頓挫古鬱亦近之

劉知幾

上蕭至忠書

班馬以前以專家著美晉唐而後以衆手多疵推論史局之難蓋後先一轍矣

陳子昂

對利害三事

論事簡當不涉支蔓百姓安則樂生不安則輕生洞達人情可謂經國之言

諫雅州討生羌書

子昂本蜀人故言蜀用兵利害警切動聽蜀恃險為固險不可使通良有遠識

燕安恒

請復位於皇太子疏

論還政事不少為婉避之詞文自有奇氣

救魏元忠疏

語簡而氣岸唐文之似兩漢者

聖祖仁皇帝御製文第三集卷三十四

欽定四庫全書

聖祖仁皇帝御製文第三集卷三十五目錄

雜著

古文評論

計五十八條

欽定四庫全書

聖祖仁皇帝御製文第三集卷三十五

雜著

古文評論

崔融

諫稅關市疏

毋擾是此篇大義文則陸離璀璨色澤彌古

張柬之

請罷兵戍姚州書

荒徼絕域古有羈縻之義不欲以勞罷中國也茲篇論情事詳核有識

宋璟

封還詔書奏

經稱諸侯之孝曰制節謹度滿而不溢斯文殆相發揮
張說

梁國公姚崇神道碑銘

詳整鉅麗敘功紀行皆舉其大故要而不煩

宋公遺愛碑頌

古質有鼎彝之色頌辭跌蕩岸異迥非恒徑

蘓頌

開元三年處分朝集使勅

誠勵則嚴注望彌切足以令人勗勉

諫鑒駕親征表

攄瀝款誠不煩彫飾而自然精采唐文之絕無俳偶者

張九齡

開元三十一年處分十道朝集使勅

語勁而氣彌舒詞腴而旨益切可識九齡風度矣

請重守令慎選舉疏

唐時重京秩而輕外任特甚故九齡極言之至語人材以清議名節為重則古今之通義也

上姚令公書

昔人論唐諸臣謂姚崇尚通此可謂藥石之箴矣

張均

宗廟加籩豆議

孝思無窮而常典有制範圍古今所以安人情而順天道也斯文殆發明禮經之義

劉秩

貨泉議

論錢法源流利弊極詳終之以禁銅為策亦救弊之一道也

孔璋

請代李邕死表

邕固奇士斯文與人皆奇較谷永訟陳湯疏更為激昂

柳芳

氏族論

臚次歷代氏族詳核淹通足以為考古之助

顏真卿

論元皇帝祧遷狀

論祧遷義正而詞確

論百官論事疏

磊落英爽真卿多勁節故文亦似之

謚號狀

稟經義以立言所見亦超

郭子儀

辭太尉疏

汾陽有功而讓忠誠貫於始終故其文亦絕無勦飾乃

兩

請乘輿還京師疏

陳昌言決大計扶危定傾汾陽可謂社稷臣矣

楊綰

條奏貢舉疏

論貢舉情事皆切中古今流弊意在黜抑浮競崇獎實
學良為有本之言

賈至

議楊綰條奏貢舉疏

推原治理所由豎議鴻壯與楊綰條奏足相發明

元結

辭容州表

情既懇惻詞復悽楚元結文在唐諸家中極稱峭拔此
尤其傑出者

劉晏

與元載書

探古人之遺跡陳當時之利病晏於治河轉漕可稱勤
懇故關中卒賴其利也

常袞

減徵京畿夏麥制

制詞瑩淨誦之猶能感人

大厯四年大赦詔

誠懇所至筆能曲折赴之深得哀矜勿喜之意

大厯六年放京畿丁役及免稅制

蠲賦省役以憂百姓中多愷悌之言

大厯十四年減徵京畿丁役等制

音節詞句皆能取澤於古

馬璘神道碑銘

擢左國之菁華兼兩漢之雋腴恢奇英岸光氣熊炳

獨孤及

唐景皇帝配昊天上帝議

議禮之文貴確不在枝葉繁蔓此文近之

上疏陳政

清言疎朗足見當時冗兵糜食之害

李華

中書政事堂記

直起直收義存鑒戒文有剛果之氣如風雨驟至集於

筆端

李翰

進張巡中丞傳表

張巡孤忠拒寇實有功於唐之再造斯文激揚忠烈聲
光颺舉殆足以發抒其氣

陸贄

興元元年奉天改元大赦詔

誕告之文仁音如此故能使當時之民間詔書而感泣
也

興元元年命馬燧渾瑊招討河中制

止罪狀懷光一人無一語及朔方將士所以離散黨與

收拾人心妙有機權足徵廟算

興元元年命李晟制

國家優重功臣獎其前勞正以策其後効此制得之矣

論治亂之略疏

篇中前言事後言理數衽而談最為融浹

論徵稅疏

權衡於先後之間酌量於緩急之際於國無損而於民所益滋多此疏之大指也

論納諫疏

屬理於微論事舉要

論關中事宜狀

深識遠算之言不特以閱通擅美

論前所答奏未施行狀

補牘而陳忠懇之情溢於行墨詞義茂美直餘事耳

請罷瓊林大盈庫狀

涇原軍士之變以二庫為兵端故贄立言如此

請兩稅以布帛為額狀

此論與徵稅疏立言互相表裏而更為詳盡

請罷兵狀

當獻捷之時原兵革之始暢發其意可謂偉辭

權德輿

兩漢辯亡論

尊道重儒君臨之極軌若張禹胡廣輩致身寵榮苟貪
祿利使後世指目可謂士林之羞矣

答柳福州書

太學人材所自出唐宋以來以名賢處之造就多士德
輿此書可謂知本之論矣

陸贄翰苑集序

陸贄為文閎博流暢委折盡致謀畫能中機宜誠奏議
之傑構也臚述生平論次條達序文之似傳體者

高郢

魯議

魯不得用天子禮樂自是正論而篇中疎密得宜濃纖
合法文章之有圭臬者

柳冕

再答張僕射書

文甚簡淨而款篤之意獨至

與權德輿書

敘歷代人才得失之由最為明確

復杜相公書

謂文章由於風俗風俗根於人心卓然探本之言

梁肅

補闕李君前集序

文章有王霸之分立論恢奇前此未有

代太常答蘇端駁楊綰謚文貞議

義以典而能確詞以恕而能公持此核人可以論世而不爽矣

沈既濟

論行辟召之法疏

立論巖巖清峙可為衡鑑之資

于公異

收兩京露布

辭鋒邁達筆陣韶舉西平故是元功得此庶能相配

裴度

諫用皇甫鏐程异為相疏

度身更患難故雖款款忠愛而出之有危迫之音

論魏宏簡元稹疏

是時度以使相討河朔而惓惓不忘忠害所謂爾身在外乃心罔不在王室也

李絳

請崇國學疏

文致爽朗高舉

論裴均進銀器狀

挺勁之辭一往峭邁

聖祖仁皇帝御製文第三集卷三十五